



stop · block · talk

01.

Timoun kòmanse sèvi avèk teknoloji depi yo tou piti - menm si yo pa gen pèmisyon pou fè sa. Yo gen zanmi ki gen aksè ilimite pou sèvi avèk aparèy ak jwèt yo, oubyen yo gen pi gran frè ak sè ki mete yo an kontak avèk anpil nan bagay sa yo. Yo gen yon non sekrè pou rele Jaimie's house, ki se "screen time central" (santral pou tan sou ekran).

02.

Aplikasyon yo fèt yon jan pou yo adiktif, kidonk pilit ou ap vle genyen tout zanmi, moun k ap swiv li, ak apresyasyon li ka genyen.

Apresyasyon (likes), kè, pyès annò, ak lòt ikòn ak kredi yo, se monnen pou aktivite sosyal ak pou jwèt. Lè li resevwa kado konsa yo, sa reprezante nan sèvo li yon rekompans, ki fè li santi moun renmen li, epi sa konn pèmèt li jwenn plis rannman nan aplikasyon oswa nan jwèt la. Timoun yo vle rekompans sa yo, kidonk y ap gen lapenn si yo pa resevwa yo, epi y ap fè sa yo kapab pou jwenn yo.

03.

Si pilit ou gen plis pase 12an, I ap sèvi avèk SnapChat, Ki se lang timoun laj li yo pito. Pilit ou a genyen omwen senk SnapStreaks ki aktive tout tan. Si pilit ou a pa kenbe kadans avèk echanj sa yo, I ap santi li pèdi tout bavay, epi I ap mouri imilyasyoon. Se youn nan rezon ki fè li pa kapab rete san telefòn li. Si gen yon rezon ki fè ou pran aparèy la nan men li, I ap bay yon zanmi mopas li, pou zanmi an kenbe echanj lan aktive pou li. Yo pataje mopas tankou bonbon.

PALE TOUT BON :

10 premye bagay nou ta renmen tout paran konnen sou teknoloji ak rezo sosyal

04.

Rezo sosyal yo ak nenpòt ki pòtay entènèt pou fè pataj kapab vin mechan anpil, san sa pa bezwen pran lontan. Si ou gen 13an, epi yon moun kontrarye w, ou ka rele moun sa a nenpòt ki non, nan yon konvèrsasyon an gwoup. oubyen si ou sèlman santi ou ta renmen kòmanse yon trajedi, ou ka kreye yon fo kont Instagram epi kòmanse pale sou lòt timoun ou konnen. oubyen ou ka monte sou entènèt, epi fè kòmantè ànonim sou YouTube yon lòt moun, oswa sou video Tic Tac. Li fasil pou fè mechanste, lè ou kache dèyè yon aparèy. Epi li fasil tou, pou blese santiman yon timoun.

05.

Yo mande pilit ou voye yon foto li toutouni. Li posib pou timoun lan pa te voye foto a, men li posib tou pou li te voye li. Li kapab te pataje foto a avèk yon zanmi nan lekòl li, oubyen avèk yon moun li te kontre sou entènèt oubyen pandan I ap jwe. Kapab menm gen moun ki te fòse pilit ou oswa fè mennas sou li, pou fè li voye plis foto ak video. Si sa rive, timoun lan ap chèche gade ki opsyon li kapab pi pè - ant pale avèk yon paran, oswa reponn yon predatè.

06.

Genyen 6 milyon predatè seksyèl sou latè a. Epi yo vle pale avèk pilit ou. Yo konnen avèk ki pòtay entènèt timoun yo sèvi - depi Roblox ak Fortnite pou rive nan Kik ak Instagram. Y ap fè pilit ou a konpliman, oubyen y ap ba li kredi oswa pyès annò, epi timoun lan ap konprann se yon nouvo zanmi li fè.



Suffolk County District Attorney's Office

www.suffolkdistrictattorney.com

617-619-4000 | @StopBlockTalk



CHILDREN'S ADVOCACY CENTER
of suffolk county

www.suffolkcac.org

617-779-2146 | @Suffolk_CAC



07.

Timoun yo konnектे regilyèman avèk moun yo pa konnen, sa ki vle di tou predatè seksyèl nou pale pi wo la yo. Se pa sèlman foto ak video yo timoun, predatè yo ap gade sou entènèt. Timoun ap voye video yo dirèk pandan yo nan chanm yo, epi lòt moun nan nenpòt peyi - sa ki vle di tou predatè seksyèl nou pale pi wo la yo - ap gade yo pandan y ap abiye pou ale lekòl, oswa jwe avèk zanmi, chante, fè jwèt, dòmi (wi, pandan y ap dòmi), epi nan lòt sikontans ankò. Paran ak pwofesè yo konn parèt tanzantan nan video yo dirèk sa yo tou, san yo pa konnen.

08.

Menm si ou gen bon relasyon anpil avèk ptit ou, li ka pa vle di ou lè gen yon bagay kontraryan k ap rive anliy. Lap pè ou fè yon twò gwo reyakson, oubyen rele sou li, pran aparèy la nan men li, ba li yon pinisyon, oubyen memm imilye li. Timoun lan deja gen yon lawont, epi li pa konnen kisa pou li fè. Menm si ou mande « Èske ou gen yon bagay k ap anbete w ? », li pa pral di ou.

09.

Se pa yon pwoblèm. Pran konsyans, se premye etap ki pi enpòtan an. Tanpri sonje sa, danje sa yo toupatou. Nou konseye ou, anplis pale avèk ptit ou sou bagay sa yo, pou ou FÈ EGZÈSIS pou sekirite avèk li anliy. Aprann li KANPE sou yon komunikasyon si yon moun poze li yon kesyon pèsonnèl oubyen di gwo mo, BLOKE moun sa a san li pa bezwen santi li jennen ni antò, epi PALE avèk yon moun li fè konfyans, si li bezwen yo ede l. Kenbe sanfwa ou, rete kalm, epi montre tolerans si gen erè ki fèt. Pral gen pwoblèm ki parèt, men jan ou regle yo pral fè tout diferans ki ka genyen sou latè. Timoun lan kapab pran kontwòl avèk metòd KANPE, BLOKE, ak PALE a. Repete li avèk li, sèvi avèk li, epi montre li kouman pou li fè.

10.

N ap retounen di li ankò : Rete kalm. Di timoun lan li mèt pale avèk ou san li pa santi li wont. Di li ou pa pral rele sou li, ni akize li, epi pa fè bagay sa yo vre. Sa ki rive a pa te fòt li. Sosyete anliy nou an difisil pou kontwole kèlkeswa laj yon moun, sa ki pi mal toujou lè ou gen 12an.

Lòt Resous:

Cybertips (pou fè rapò sou esplwatasyon anliy): 1-800-843-5678
www.cybertipline.com
www.netsmartz.org
www.fosi.org

Pou konsèy espesyal pou aplikasyon ak pou jwèt:

www.connectsafetly.org
www.nationalonlinesafety.com
Ale nan adres : Resous / Gid pou Platfòm



**Suffolk County
District Attorney's
Office**

www.suffolkdistrictattorney.com

617-619-4000 | @StopBlockTalk



**CHILDREN'S ADVOCACY CENTER
of suffolk county**

www.suffolkcac.org

617-779-2146 | @Suffolk_CAC